



REPUBLIKA E SHQIPËRISË

**PROKURORIA E POSAÇME
KUNDËR KORRUPSIONIT DHE
KRIMIT TË ORGANIZUAR**

Nr. 8126 prot.

Tiranë, më 15.12.2020

PROKURORIA E PËRGJITHSHME

Nr. 1813 prot.

Tiranë, më 15.12.2020

AKT

I

KOORDINIMIT NDËRINSTITUCIONAL

“Për rritjen e efencës dhe unifikimin e disa veprimtarive administrative dhe funksionale ndërinstitucionale duke respektuar veçoritë dhe kompetencat institucionale të parashikuara me ligj.”

TË VETËDIJSHËM:

Për zbatimin e rezolutës së Kuvendit të Shqipërisë datë 18.06.2020¹, e cila kërkon nga Prokuroria e Përgjithshme rritjen e mëtejshme të efektivitetit në luftën kundër kriminalitetit dhe forcimin e koordinimit me Prokurorinë e Posaçme të Luftës kundër Krimit të Organizuar dhe Korrupsionit.

ME SYNIM:

Rritjen e efencës së funksionimit të organit të prokurorisë, nëpërmjet, bashkërendimit të Prokurorisë së Përgjithshme (PP) (përfshi prokuroritë me juridiksion të përgjithshëm), me Prokurorinë e Posaçme Kundër Korrupsionit dhe Krimit të Krganizuar (PPKKKO), dhe

¹ Shih, Rezolutën e Kuvendit të Shqipërisë datë 18.06.2020 “Për vlerësimin e veprimtarisë së prokurorisë për vitin 2019” në pikën 1 të cilës është parashikuar:

“...për vitin 2020 Kuvendi i Shqipërisë kërkon nga Prokuroria e Republikës së Shqipërisë:

1. Rritjen e mëtejshme të efektivitetit në luftën kundër kriminalitetit dhe forcimin e koordinimit me Prokurorinë e Posaçme të Luftës kundër Krimit të Organizuar dhe Korrupsionit për rritjen e cilësisë së hetimeve dhe ndjekjes penale.”

unifikimin e disa veprimtarive administrative dhe funksionale ndërinstitucionale në standarde evropiane, duke siguruar integritetin, pavarësinë dhe kompetencën në funksionimin e secilës palë, pjesë e organit të prokurorisë, si dhe për rritjen e efektivitetit dhe performancës të sistemit të drejtësisë penale;

DUKE RIAFIRMUAR:

Vendosmërinë për respektimin rigoroz të Kushtetutës, Kodeve dhe ligjeve të zbatueshme gjatë ushtrimit të funksioneve sipas kompetencës lëndore të institucioneve palë, bazuar në parimet e pavarësisë, llogaridhënies, transparencës dhe efikasitetit të sistemit të drejtësisë penale.

NË MBËSHTETJE TË:

Neneve 148, 148/b, 148/dh e vijues të Kushtetutës së Republikës së Shqipërisë.

-Kodit Penal të Republikës së Shqipërisë;

-Neneve 74, 75/a e vijues të Kodit të Procedurës Penale të Republikës së Shqipërisë;

-Neneve 1 pika 2, 3, 4, 5, 6 14, 15, 16, **38 pika 2 shkronja “ë”**, 57 pika 2, 70 pika 3, 104 pika 1, 105, 106, 107 e vijue të ligjit nr. 97/2016, “Për organizimin dhe funksionimin e Prokurorisë në Republikën e Shqipërisë”;

-Neneve 4, 8, 9, **15 pika 2 shkronja “c”** e vijues të ligjit nr.95/2016 “Për organizimin dhe funksionimin e institucioneve për luftën kundër korrupsionit dhe krimit të organizuar”.

-Rezolutës së Kuvendit të Shqipërisë datë 18.06.2020 “Për vlerësimin e veprimtarisë së prokurorisë për vitin 2019”.

ME PALË NËNSHKRUESE:

Prokuroria e Përgjithshme (PP), e përfaqësuar nga **Prokurori i Përgjithshëm, Z.Olsian ÇELA**, që këtu e më poshtë do t’i referohemi si palë,

dhe

Prokuroria e Posaçme Kundër Korrupsionit dhe Krimit të Organizuar (PPKKKO), e përfaqësuar nga **Drejtuesi i Prokurorisë së Posaçme, Z.Arben KRAJA**, që këtu e më poshtë do t’i referohemi si palë,

të cilat:

bien dakord për Marrëveshjen e Bashkëpunimit, si më poshtë:

Neni 1

Objekti

1. Sigurimi i bashkërendimit nëpërmjet masave të nevojshme që angazhohen të marrin Palët sipas kompetencave lëndore në drejtimit e mundshme për realizimin e funksioneve dhe përgjegjësi kushtetuese e ligjore, bazuar në parimet e pavarësisë, llogaridhënies, transparencës, procesit të rregullt ligjor dhe të efikasitetit të sistemit të drejtësisë penale.

2. Vendosja e komunikimeve të drejtpërdrejta për shkëmbimin e informacionit dhe për marrjen e masave administrative nga Palët për iniciimin e propozimeve ose dhënie opinionit për ndryshime ligjore dhe/ose nxjerrjen e udhëzimeve të përgjithshme për të unifikuar zbatimin e masave administrative sipas ligjit me interesa të përbashkëta si institucione të organit të prokurorisë.

3. Institucionalizimi i bashkërendimit paraprak nga palët në fazat e procedimit penal për të rritur efikasitetin e veprimtarisë ndërinstitucionale dhe unifikimin e masave lidhur me:

a) kalimin e akteve dhe/ose tërheqjen e akteve në fazën e hetimeve paraprake, sipas kompetencës lëndore të parashikuar në ligj² duke garantuar procesin e rregullt ligjor, të drejtat e subjekteve të procedimit penal dhe shmangur zvarritjen e afateve procedurale;

b) sigurimin e efektivitetit dhe vazhdimësisë së hetimeve proaktive në rastet kur gjatë hetimit dhe/ose ndjekjes penale evidentohen cilësi të posaçme të subjektit të veprës penale dhe/ose rrethana fakti e ligji që ndryshojnë cilësimin juridik të veprës penale, për rrjedhojë dhe kompetencën lëndore;

c) shkëmbimin e informacioneve dhe akteve procedurale në kuadrin e hetimeve pasurore për të rritur efektivitetin në hetimet e tyre sipas tipologjive për sekuestrimin dhe konfiskimin e aseteve produkt të veprave penale ose veprimtarisë kriminale.

ç) përfaqësimin e akuzës në Gjykatën e Lartë, kur ekspertiza apo asistencë profesionale është e nevojshme në funksion të cilësisë së përfaqësimit;

d) funksionimin e strukturave përkatëse të secilës Palë në fushën e marrëdhënieve juridiksionale me autoritetet gjyqësore të huaja në kuadrin e përfaqësimit nga prokurori i komanduar shqiptar pranë EUROJUST-it;

dh) shkëmbimin e informacionit për personat e dënuar dhe/ose të paraburgosur në rastet kur plotësojnë kushtet dhe kriteret ligjore për vendosjen e tyre në regjimin e posaçëm në zbatim të ligjit³.

4. Shkëmbimi i informacioneve dhe të dhënave statistikore, si në kuadrin e analizave dhe studimeve të përbashkëta, ashtu dhe në kuadrin e informimeve/raportimeve në përmbushje të detyrimeve ndërinstitucionale me institucionet brenda vendit dhe/ose me institucionet ndërkombëtare, veçanërisht në fushën e integritetit në BE, në zbatim të rekomandimeve të KSA-së, planit të veprimit të ICRG/FATF-së apo angazhime të tjera në këto fusha.

5. Bashkërendimin e rregullt ndërmjet palëve, në nivel qendror dhe në nivel rrethi gjyqësor, për realizimin e analizave, vlerësimeve dhe raporteve në kuadër, të zbatimit të rezolutave të Kuvendit të Shqipërisë⁴ dhe rekomandimeve prioritare të Këshillit të

² Shih, nenet 28 e 29 në lidhje me nenin 75/a të K.Pr.Penale.

³ Shih, nenin 16 të ligjit nr.81/2020 "Për të drejtat dhe trajtimin e të dënuarve me burgim dhe të paraburgosurve"

⁴ Shih, nenin 104 të ligjit nr.97/2016 "Për organizimin dhe funksionimin e prokurorisë në Republikën e Shqipërisë", i cili në pikën 1 e 3 parashikon:

Ministrave⁵, me synim përmirësimin e politikave institucionale dhe bashkërendimin ndërinstitucional në përmbushjen e angazhimeve të cilët burojnë nga detyrime të përbashkëta në zbatim të ligjit⁶.

6. Palët bashkëpunojnë dhe shkëmbejnë informacion për realizimin e detyrave respektive, në përputhje me kompetencat ligjore, mbrojtjen e të dhënave personale dhe ruajtjen e sekretit hetimor për çështje konkrete.

Neni 2

Nivelet zbatuese, detyrat dhe takimet e përbashkëta koordinuese

1. Autoritetet përgjegjëse të Palëve për zbatimin dhe koordinimin e marrëveshjes janë:

a) Nivel qendror:

i) Prokurori i Përgjithshëm ose prokurori/drejtuesi i strukturës i përkatëse i deleguar/autorizuar prej tij;

-Drejtori i Koordinimit Institucional;

ii) Drejtuesi i Prokurorisë së Posaçme ose prokurori/drejtuesi i strukture përkatëse i deleguar/autorizuar prej tij;

b) Në nivel vendor:

i) Drejtuesit e prokurorive pranë gjykatave të shkallës së parë;

"1. Prokurori i Përgjithshëm dhe Drejtuesi i Prokurorisë së Posaçme, sipas juridiksionit përkatës, raportojnë në Kuvend për gjendjen e kriminalitetit në vend, të paktën një herë në vit. Raportimi përfshin të dhëna dhe shpjegime për numrin, llojet, shtrirjen territoriale, intensitetin dhe format e kriminalitetit në Republikën e Shqipërisë.

3. Prokurori i Përgjithshëm dhe Drejtuesi i Prokurorisë së Posaçme parashtrojnë gjithashtu përpara Kuvendit të dhëna të detajuara lidhur me efektivitetin e ndjekjes penale, cilësinë e përfaqësimit të akuzës në gjyq, si dhe me elemente të tjera thelbësore në veprimtarinë e institucioneve përkatëse. Nuk lejohet njoftimi për çështje konkrete, me përjashtim të çështjeve të dërguara me vendim të Kuvendit."

⁵ Shih, nenin 103 të ligjit nr.97/2016 pikat 1,4 e 5 dhe ligjin nr.8678/2001 "Për organizimin dhe funksionimin e Ministrisë së Drejtësisë", i ndryshuar nenin 6 pika 32.

-ligji nr.97/2016 në nenin 103, pikat 1, 4, 5 parashikon:

"1. Këshilli i Ministrave, jo më vonë se data 31 mars e çdo viti, miraton dhe i përcjell Prokurorit të Përgjithshëm rekomandimet prioritare që duhen ndjekur për vitin në vazhdim në luftën kundër kriminalitetit.

4. Në marrëdhëniet e Prokurorit të Përgjithshëm dhe Drejtuesit të Prokurorisë së Posaçme me Këshillin e Ministrave ndalohen rekomandimet për të proceduar ose jo për çështje konkrete.

5. Këshilli i Ministrave, nëpërmjet Ministrit të Drejtësisë, ndjek në vazhdimësi mënyrën e zbatimit të rekomandimeve të dhëna prej tij."

-ligji nr.8678/2001 në nenin 6, pika 32 parashikon:

"32. Ministri i Drejtësisë organizon punën për mbledhjen e informacionit, me qëllim përgatitjen dhe propozimin pranë Këshillit të Ministrave, të rekomandimeve për prokurorinë, në kuadër të luftës kundër kriminalitetit. Ministri i Drejtësisë u bën të njohura rekomandimet prioritare që duhen ndjekur për vitin në vazhdim në luftën kundër kriminalitetit, drejtuesve të prokurorive të të gjitha shkallëve. Ministri i Drejtësisë ndjek në vazhdimësi mënyrën e zbatimit të rekomandimeve të dhëna prej Këshillit të Ministrave. Për këtë qëllim, Ministri i Drejtësisë kërkon jo më pak se dy herë në vit pranë Prokurorit të Përgjithshëm dhe Drejtuesit të Prokurorisë së Posaçme informacion mbi zbatimin e tyre. Informacioni i marrë vlerësohet nga Ministri i Drejtësisë dhe bazuar mbi gjetjet, i propozon Këshillit të Ministrave dhe Këshillit të Lartë të Prokurorisë marrjen e masave organizative, sipas ligjit, me qëllim përmbushjen e rekomandimeve."

⁶ Shih, nenet 103, 104, 105, 106 të ligjit nr.97/2016 "Për organizimin dhe funksionimin e prokurorisë në Republikën e Shqipërisë", neni 15 pika 2 shkronja "d" e ligjit nr.95/2016 "Për organizimin dhe funksionimin e institucioneve për të luftuar korrupsionin dhe krimin e organizuar" dhe neni 6 pika 32 e ligjit nr.8678/2001 "Për organizimin dhe funksionimin e Ministrisë së Drejtësisë".

ii) Drejtuesi/prokurori i strukture përkatëse i deleguar/autorizuar nga Drejtuesi i Prokurorisë së Posaçme.

2. Në nivel qendror përfaqësues të palëve koordinojnë për të analizuar e vlerësuar ecurinë e zbatimit të masave institucionale apo ndërinstitutionale dhe/ose problematikat e evidentuara në zbatimin e tyre, si dhe për të koordinuar zbatimin e masave të përbashkëta apo rekomandimeve në lidhje me ndërgjegjësimin e publikut në interes të bashkërendimit për hetimin e veprave penale sipas kompetencës lëndore të palëve dhe rritjen e efikasitetit në bashkërendimin në kuadrin ndërinstitutional.

3. Në nivel vendor secili institucion nëpërmjet pikave të kontaktit sipas nenit 1 shkronja “b” e këtij neni bashkërendojnë lidhur me kërkimin dhe vlerësimin e informacioneve, kalimin e akteve dhe/ose kërkimin e akteve (referimeve/kallëzimeve penale) përfshi dhe procedimet në fazën e hetimeve proaktive, shkëmbimin e akteve/provave për asete/pasuri produkt ose të ardhura nga veprimtaria kriminale, si dhe për kryerjen e detyrave të përbashkëta në ecurinë e hetimeve apo ndjekjes penale në çështje komplekse sipas kompetencës lëndore të parashikuar në ligj.

4. Institucionet/strukturat zbatuese të Palëve informojnë njëra-tjetrën për ndryshimet e funksionarëve të angazhuar sipas detyrave të secilës palë në kuadrin e zbatimit të kësaj marrëveshje, si dhe organizojnë takime të përbashkëta, sipas niveleve nëpërmjet:

i) Titullarët e institucioneve në nivel qendror çdo 3 muaj për të diskutuar ecurinë e zbatimit të masave të kësaj marrëveshje, me synim vlerësimin e arritjeve dhe nevojave për rritjen e efikasitetit, duke përcaktuar drejtimit dhe masat që duhen marrë për përmbushjen e angazhimeve ndërinstitutionale.

ii) Pikat e kontaktit në nivel vendor, sipas nevojave kur kërkohet, informojnë për ecurinë e zbatimit të masave lidhur me objektivat e kësaj marrëveshje, problematikat e evidentuara, planifikimin e ecurisë së masave vijuese dhe shkëmbimin e informacionit.

Neni 3

Kontributi i Prokurorisë së Përgjithshme

Prokuroria e Përgjithshme angazhohet:

1. Të nxjerr një udhëzim të përgjithshëm *“Për rritjen e efektivitetit dhe unifikimin e veprimtarive administrative dhe funksionale me Prokurorinë e Posaçme, duke respektuar veçoritë dhe kompetencat ligjore”*, sipas drejtimeve të parashikuara në nenin 1 të kësaj Marrëveshje.

2. Të vendosë komunikime të drejtëpërdrejta për shkëmbim informacioni lidhur me:

a) dhënie opinionit për ndryshime ligjore në sistemin e drejtësisë penale dhe jo vetëm, për propozimet e ardhura për mendim nga ministritë dhe/ose institucionet përkatëse;

b) të dhënat statistikore, si në kuadrin e analizave dhe studimeve të përbashkëta, ashtu dhe në kuadrin e informimeve/raportimeve në përmbushje të detyrimeve ndërinstitutionale me institucionet brenda vendit dhe/ose me institucionet ndërkombëtare, veçanërisht në fushën e integritetit në BE, në zbatim të rekomandimeve të KSA-së, planit të veprimit të ICRG/FATF-së apo angazhime të tjera në këto fusha.

c) marrëdhëniet juridiksionale me autoritetet gjyqësore të huaja për rastet me kompetencë lëndore të ndryshuar nga njëra palë tek pala tjetër, në kuadrin e

përfaqësimit të tyre nga prokurori i komanduar shqiptar pranë EUROJUST-it, në funksion të rritjes së efektivitetit;

3. Të bashkërendojë për realizimin nga ana metodike të analizave, vlerësimeve e raporteve periodike vjetore në Kuvendin e Shqipërisë, si dhe në kuadër, të zbatimit të rezolutave të Kuvendit të Shqipërisë dhe rekomandimeve prioritare të Këshillit të Ministrave, ashtu dhe të marrëdhënieve me Këshillin e Lartë të Prokurorisë dhe Inspektorin e Lartë të Drejtësisë, me synim përmirësimin e politikave institucionale dhe bashkërendimin ndërinstitucional, në përmbushjen e angazhimeve të cilët burojnë nga detyrimeve të përbashkëta të palëve në zbatim të ligjit.

4. Të sigurojë bashkërendimin e prokurorive me juridiksion të përgjithshëm me Prokurorinë e Posaçme, për të lehtësuar procesin e marrjes dhe shkëmbimit të informacionit dhe akteve sipas parashikimeve në nenin 1 shkronjat “a”, “b”, “c” e “dh” të kësaj Marrëveshje.

5. Në kuadrin e kësaj marrëveshje angazhohet për bashkëpunimin dhe koordinimin edhe në fusha veprimi të tjera të veprimtarisë ndërinstitucionale me Prokurorinë e Përgjithshme dhe me prokuroritë e juridiksionit të përgjithshëm.

Neni 4

Kontributi i Prokurorisë së Posaçme

Prokuroria e Posaçme angazhohet:

1. Të nxjerrë një udhëzim të përgjithshëm *“Për rritjen e efektivitetit dhe unifikimin e veprimtarive administrative dhe funksionale me Prokurorinë e Përgjithshme dhe jo vetëm, duke respektuar veçoritë dhe kompetencat ligjore”*, sipas drejtimeve të parashikuara në nenin 1 “Objekti” i kësaj Marrëveshje.

2. Të sigurojë bashkërendimin paraprak me prokuroritë me juridiksion të përgjithshëm, në fazat e procedimit penal për të rritur efikasitetin e veprimtarisë ndërinstitucionale dhe unifikimin e masave lidhur me:

a) kalimin e akteve dhe/ose tërheqjen e akteve në fazën e hetimeve paraprake, sipas kompetencës lëndore të parashikuar në ligj duke garantuar procesin e rregullt ligjor, të drejtat e subjekteve të procedimit penal dhe shmangur zvarritjen e afateve procedurale;

b) sigurimin e efektivitetit dhe vazhdimësisë së hetimeve proaktive në rastet kur gjatë hetimit dhe/ose ndjekjes penale evidentohet cilësi të posaçme të subjektit të veprës penale dhe/ose rrethana fakti e ligji që ndryshojnë cilësimin juridik të veprës penale, për rrjedhojë dhe kompetencën lëndore;

c) shkëmbimin e informacioneve dhe akteve procedurale në kuadrin e hetimeve pasurore për të rritur efektivitetin në hetimet e tyre sipas tipologjive për sekuestrimin dhe konfiskimin e aseteve produkt të veprave penale ose veprimtarisë kriminale.

ç) kërkimin e të dhënave, indicieve dhe akte/prova për persona të dënuar dhe/ose të paraburgosur, për vepra penale në kompetencë lëndore të juridiksionit të përgjithshëm në rastet kur subjektet plotësojnë kushtet dhe kriteret ligjore për vendosjen e tyre në regjimin e posaçëm në zbatim të ligjit⁷;

⁷ Shih, nenin 16 të ligjit nr.81/2020 *“Për të drejtat dhe trajtimin e të dënuarve me burgim dhe të paraburgosurve”*

3. Të vendosë komunikime të drejtëpërdrejta me Prokurorinë e Përgjithshme për shkëmbim informacioni lidhur me:

a) dhënie opinionit për ndryshime ligjore në sistemin e drejtësisë penale dhe jo vetëm, për propozimet e ardhura për mendim nga ministrinë dhe/ose institucionet përkatëse;

b) të dhënat statistikore, si në kuadrin e analizave dhe studimeve të përbashkëta, ashtu dhe në kuadrin e informimeve/raportimeve në përmbushje të detyrimeve ndërinstitucionale me institucionet brenda vendit dhe/ose me institucionet ndërkombëtare, veçanërisht në fushën e integritetit në BE, në zbatim të rekomandimeve të KSA-së, planit të veprimit të ICRG/FATF-së apo angazhime të tjera në këto fusha.

c) marrëdhëniet juridiksionale me autoritetet gjyqësore të huaja për rastet me kompetencë lëndore të ndryshuar nga njëra palë tek pala tjetër, në kuadrin e përfaqësimit të tyre nga prokurori i komanduar shqiptar pranë EUROJUST-it, në funksion të rritjes së efektivitetit;

4. Të bashkërendojë për realizimin nga ana metodike të analizave, vlerësimeve e raporteve periodike vjetore në Kuvendin e Shqipërisë, si dhe në kuadër, të zbatimit të rezolutave të Kuvendit të Shqipërisë⁸ dhe rekomandimeve prioritare të Këshillit të Ministrave⁹, ashtu dhe të marrëdhënieve me Këshillin e Lartë të Prokurorisë¹⁰ dhe

⁸ Shih, nenin 104 të ligjit nr.97/2016 "Për organizimin dhe funksionimin e prokurorisë në Republikën e Shqipërisë", i cili në pikën 1 e 3 parashikojnë:

"1. Prokurori i Përgjithshëm dhe Drejtuesi i Prokurorisë së Posaçme, sipas juridiksionit përkatës, raportojnë në Kuvend për gjendjen e kriminalitetit në vend, të paktën një herë në vit. Raportimi përfshin të dhëna dhe shpjegime për numrin, llojet, shtrirjen territoriale, intensitetin dhe format e kriminalitetit në Republikën e Shqipërisë.

3. Prokurori i Përgjithshëm dhe Drejtuesi i Prokurorisë së Posaçme parashtrajnë gjithashtu përpara Kuvendit të dhëna të detajuara lidhur me efektivitetin e ndjekjes penale, cilësinë e përfaqësimit të akuzës në gjyq, si dhe me elemente të tjera thelbësore në veprimtarinë e institucioneve përkatëse. Nuk lejohet njoftimi për çështje konkrete, me përjashtim të çështjeve të dërguara me vendim të Kuvendit."

⁹ Shih, nenin 103 të ligjit nr.97/2016 pikat 1,4 e 5 dhe ligjin nr.8678/2001 "Për organizimin dhe funksionimin e Ministrisë së Drejtësisë", i ndryshuar nenin 6 pika 32.

-ligji nr.97/2016 në nenin 103, pikat 1, 4, 5 parashikon:

"1. Këshilli i Ministrave, jo më vonë se data 31 mars e çdo viti, miraton dhe i përcjell Prokurorit të Përgjithshëm rekomandimet prioritare që duhen ndjekur për vitin në vazhdim në luftën kundër kriminalitetit.

4. Në marrëdhëniet e Prokurorit të Përgjithshëm dhe Drejtuesit të Prokurorisë së Posaçme me Këshillin e Ministrave ndalohen rekomandimet për të proceduar ose jo për çështje konkrete.

5. Këshilli i Ministrave, nëpërmjet Ministrit të Drejtësisë, ndjek në vazhdimësi mënyrën e zbatimit të rekomandimeve të dhëna prej tij."

-ligji nr.8678/2001 në nenin 6, pika 32 parashikon:

"32. Ministri i Drejtësisë organizon punën për mbledhjen e informacionit, me qëllim përgatitjen dhe propozimin pranë Këshillit të Ministrave, të rekomandimeve për prokurorinë, në kuadër të luftës kundër kriminalitetit. Ministri i Drejtësisë u bën të njohura rekomandimet prioritare që duhen ndjekur për vitin në vazhdim në luftën kundër kriminalitetit, drejtuesve të prokurorive të të gjitha shkallëve. Ministri i Drejtësisë ndjek në vazhdimësi mënyrën e zbatimit të rekomandimeve të dhëna prej Këshillit të Ministrave. Për këtë qëllim, Ministri i Drejtësisë kërkon jo më pak se dy herë në vit pranë Prokurorit të Përgjithshëm dhe Drejtuesit të Prokurorisë së Posaçme informacion mbi zbatimin e tyre. Informacioni i marrë vlerësohet nga Ministri i Drejtësisë dhe bazuar mbi gjetjet, i propozon Këshillit të Ministrave dhe Këshillit të Lartë të Prokurorisë marrjen e masave organizative, sipas ligjit, me qëllim përmbushjen e rekomandimeve."

¹⁰ Shih, nenin 105 të ligjit nr.97/2016 pika 2 dhe ligjin nr.95/2016 "Për organizimin dhe funksionimin e institucioneve për të luftuar korrupsionin dhe krimin e organizuar", neni 15 pika 2 shkronja "d".

-ligji nr.97/2016 në nenin 105, pika 2 parashikon:

"2. Prokurori i Përgjithshëm dhe Drejtuesi i Prokurorisë së Posaçme raportojnë, të paktën një herë në vit, në Këshillin e Lartë të Prokurorisë lidhur me ecurinë e veprimtarisë së strukturave përkatëse."

Inspektorin e Lartë të Drejtësisë¹¹, me synim përmirësimin e politikave institucionale dhe bashkërendimin ndërinstitucional, në përbushjen e angazhimeve të cilët burojnë nga detyrimeve të përbashkëta në zbatim të ligjit.

5. Në kuadrin e kësaj marrëveshje angazhohet për bashkëpunimin dhe koordinimin edhe në fusha veprimi të tjera të veprimtarisë ndërinstitucionale me Prokurorinë e Përgjithshme dhe me prokuroritë e juridiksionit të përgjithshëm.

Neni 5

Shkëmbimi i informacionit dhe trajnimet

1. Palët krahas takimeve të përbashkëta të parashikuara në nenin 2 të kësaj Marrëveshje, komunikojnë dhe lidhen me njëra-tjetrën për efekt bashkëpunimi edhe me shkrim, në rrugë elektronike dhe çdo lloj forme tjetër të përshtatshme komunikimi e cila më pas zyrtarizohet për çështjet më të rëndësishme.

2. Informacioni i shkëmbyer mes Palëve administrohet sipas rregullave të parashikuara në Kodin e Procedurës Penale; ligjin nr.96/2016 "Për statusin e gjyqtarëve dhe prokurorëve në Republikën e Shqipërisë", ligjin nr. 97/2016, "Për organizimin dhe funksionimin e Prokurorisë në Republikën e Shqipërisë", ligjin nr.95/2016 "Për organizimin dhe funksionimin e institucioneve për luftën kundër korrupsionit dhe krimit të organizuar", ligjin nr.8457, datë 11.2.1999 "Për informacionin e klasifikuar sekret shtetëror" i ndryshuar; ligjin nr.9367, datë 7.4.2005 "Për parandalimin e konfliktit të interesave në ushtrimin e funksioneve publike" i ndryshuar, dhe ligjin nr. 9887, datë 10.03.2008 "Për mbrojtjen e të dhënave personale", i ndryshuar.

3. Palët në bashkëpunim me misionet ndërkombëtare që asistojnë sistemin e drejtësisë penale organizojnë aktivitete të përbashkëta trajnuese të prokurorëve, oficerëve të policisë gjyqësore në prokurori dhe strukturave hetimore në policinë e shtetit, me synim forcimin e kapaciteteve profesionale.

Neni 6

Dispozita të fundit

1. Kjo Marrëveshje do të hyjë në fuqi në datën e nënshkrimit nga palët dhe do të mbetet në fuqi për një periudhë të pacaktuar.

2. Ndryshime mund të bëhen me marrëveshje nga Palët nëpërmjet shkëmbimit të komunikimit me shkrim, duke saktësuar datën e hyrjes në fuqi.

3. Megjithë sa është parashikuar në pikën 1 të këtij neni, kjo Marrëveshje mund të përfundojë në çdo kohë nga secila palë, duke njoftuar paraprakisht, me shkrim, palën tjetër.

4. Marrëveshja hartohet në gjuhën shqipe, përgatitet dhe nënshkruhet në 4 (katër) kopje origjinale, dy prej të cilave depozitohen në Prokurorinë e Posaçme Kundër Korrupsionit dhe Krimit të Organizuar dhe dy të tjera në Prokurorinë e Përgjithshme.

-ligji nr.95/2016 në neni 15, pika 2 shkronja "d" parashikon:

"2. Drejtuesi Prokurorisë së Posaçme ushtron funksionet dhe kompetencat e mëposhtme:

d) brenda datës 1 mars, i dorëzon Këshillit të Lartë të Prokurorisë një raport vjetor me shkrim mbi veprimtarinë e Prokurorisë së Posaçme;"

¹¹ Shih, nenin 106 të ligjit nr.97/2016, i cili në pikën 1 parashikon:

"1. Prokurori i Përgjithshëm dhe Drejtuesi i Prokurorisë së Posaçme kanë detyrimin të bashkëpunojnë me Inspektorin e Lartë të Drejtësisë për çështje në juridiksionin e tij dhe të informojnë lidhur me shkeljet disiplinore dhe problematikat që hasin në ushtrimin e veprimtarive të tyre."

Kjo marrëveshje u nënshkrua sot, më datën 15 / 12 / 2020.

**DREJTUESI
I PROKURORISË SË POSAÇME**

ARBEN KRAJA



PROKURORI I PËRGJITHSHËM

OLSIAN ÇELA

